



重修鎮江府志卷之二十三

士品志三

鄉舉

前代省試發解會試不中程復還下年省試非如今制一省式便為定員也然有因而不

授官者不可廢故以冠本朝鄉舉之首



宋錢弼字舜俞金壇人少儻欲以功名自見念非場

屋無以進刻意舉子業既壯得兵家韜鈴書說之畫

夜覃思其書大要以歲運吉凶占主客勝負紹興辛

巳逆亮犯淮士民震恐弼昌言曰是德光稔惡之日

也壬午其有帝昶之禍乎明年亮遇害淳熙甲午虜

欲渝平以泛使先道路詘詘時使相曹勛頗參國論

府志

卷二十三

乙

私從弼問卜弼言歲運不相克制虜必不能加我又

今年凶運在冀州之分明年福德至於吳楚與謝玄

破符堅之歲同虜或興師我受其福既而虜使之來

果無他弼先以鄉舉試禮部又兩以洞明韜畧運籌

決勝科薦者皆報罷慶元巳未以累舉恩授迪功郎

鄂州蒲圻縣西尉未上卒弼輕財重義勇於為人而

疎於謀巳聞人過面折無所避學者嚴事之南遊並

海北盡兩淮古今勝蹟多所經歷遇山川形勝及昔

人戰爭之地輒徘徊而不能去子純亦四舉於鄉卒

○諸葛埴字子直丹陽人屢舉於鄉晚歲以特奏名

天順... 鎮江府志...



授安豐主簿江寧府糧料院居鄉倡義役息紛爭之  
端成輯睦之風里人德之○艾謙字益之丹徒人再  
舉于鄉明敏過人孝友天至從游門人多取科第稱  
爲澹軒先生有澹軒類藁易學理窟治古事類古文  
叢珍若干卷子慶洪慶遠皆三與鄉舉俱就南廊慶  
長洵初名慶曾並登進士○呂江字子恒金壇人八  
歲能著文嘗詣實齋王公詢求道之旨因以近思錄  
爲要遊鄉校淳祐中授江東漕舉廷對入等任迪功  
郎主吳縣學吳士多所成就歸里閉絕意榮進所著  
有山中山外吟藁蘇臺鳳臺集行於世邑學士稱爲

府志

卷三十三

二

四平先生○劉謙終字恭叔宰族弟以春秋五上禮  
部特詔臺諫兩省各舉實才謙終以累舉恩對策廷  
唱第七人授迪功郎建平尉再調江陰司法非其所  
好歸不復仕改宣議郎卒○宋郭字安民四舉於鄉  
以特科拜官從蜀帥辟於興州卒有文行學者多出  
其門○胡緝字舜舉一字熙績丹陽人舉於鄉爲府  
學正工詩文孫尚書覲稱其非前輩所及范克信字  
允誠舉於鄉特恩對策授湘潭尉廣東經畧幕官與  
緝爲忘年交時有陸坦之字千里翟起宗字元振蔣  
元龍字子雲洪江字南紀俱以累舉恩授官有差○



陳應岍丹徒人六世祖大猷秀國公升之之伯父也  
俱由建安徙丹徒升之子閱宣義郎閱弟閱大理評  
事大猷曾孫禧員外郎禧子琳迪功郎琳孫應岍修  
身謹行好學工文爲後學師模三舉於鄉子景周登  
進士景周從父岍一舉於鄉累世數入並以潤籍請  
舉○文天錫字純志其先綿州人世居金壇大錫在  
宋五請鄉舉以特恩授寧國主簿謝不仕宋亡終隱  
於四平山中皓首窮經著述甚富○堯允恭字克遜  
海陵人徙居丹徒景定咸淳兩領鄉薦宋亡專意經  
傳尤邃於易深得性命之理江浙行省兩檄克濂溪

府志

卷三十一

三

東川書院山長皆不赴安貧樂善學者多從游有詩  
文二十卷又集德安堂方一百卷藏于家子稷岳○  
俞德隣字宗大寶祐中父卓爲廬江令家丹徒景定  
中以書經魁鄉舉咸淳中以禮記魁浙漕元阿朮丞  
相辟行省郎中不就行大司農江浙行省累薦皆不  
就德隣性孝友好施予學博多識人咸敬慕有佩章  
文集十六卷輯聞四卷紫陽方回建安熊禾皆爲序  
引行世子四人庸屢希魯康弟酉發字明叔咸淳中  
以明經由京庠試太學上第隱居不仕以詩酒自娛  
大經諸史無不涉獵有經傳補遺三十卷藏于家子



髦○楊如山字少游蜀嘉定人宋末游江南四請漕  
舉宋亡不仕大德間起爲淮海書院山長因家京口  
有詩集十卷讀史說三卷春秋書旨要十卷藏于家  
○王去疾金壇人屢請鄉舉不第入元仕台州杭州  
諸路儒學教授鎮江路錄事有文學所著直溪集若  
干卷

國朝洪武甲子科○盛思民見進士○陳迪見進士○  
鄒英見進士○盛安見進士○湯選金壇人終戶部  
主事

丁卯科○任有常見進士

府志

卷三十三

四

庚午科○楊玄字丹徒人

癸酉科○袁昇字起明丹徒人武昌府學教授○蔣  
鑄字子頽丹陽人歷海寧會稽教諭

丙子科○張順字用睦丹陽人歷完縣陽武淳安三  
縣教諭○周郁字尚文丹陽人任永平府教授城守  
有功陞國子監丞○湯文顯丹徒人任通州教諭○  
郎祐字德全丹徒人刑科給事中

巳卯科○倪敬字士欽丹徒人廣東叅議○唐誠字

丹徒人山東德州學正○李顯見進士○劉鎮  
字靜脩金壇人繹曾孫知山東滋陽縣廉勤正直愛



民如子任滿邑民赴闕保留 詔許復職後陞後

軍都督府都事尋以內艱去茲陽民萬計復赴闕保留 上臨問何以得民對曰愛民不愛錢遂奪情

復起知縣事前後歷任二十七年進階食五品俸卒官玄孫錢字選之爲人誠慤爲里塾師有恒不涉公庭不入富貴之門

壬午科○婁誠字 丹徒人任永康訓導陞教諭

○杜春字 丹徒人

永樂癸未科○胡瀟字以清丹陽人任曹縣教諭

乙酉科○范怡字悅道丹徒人常山縣知縣○張洪

府志 卷三十一 五

字弘道丹陽人終福州府通判○戚師賢丹陽人任

壽陽知縣○沈固字仲威丹陽人弱冠領鄉薦入成

均以高選理刑內臺擢山東沂州同知嚙人齊泰以

沂西寶山社產銀鈔舊有課而今無言於朝請官置

局役民采辦公曰此奸人熒惑聖聽將以爲民害者

也不力爭則害成乃執奏故坑及泉遍海不可得鑿

鑿新坑爲力旣難且銀鈔有無不可知不如勿開便

太宗是其言而罷公之受知蓋自此始徵爲戶部廣

東司員外郎永樂乙未奉勅使廣海整理鹽課丙

申使四川六蕃督運西茶丁酉進正郎辛丑拜山東



右叅政壬寅使督餉給軍迤北還會 仁宗登極命

公以本官叅征西前將軍武安侯鄭亨軍事之鑲大  
同 賜璽書以行宣德丁巳奉 勅會同征西前將

軍方正遊擊將軍楊洪統兵護送朝貢使臣出境因  
絕漠度赤山追勦叛虜而還辛酉 命公職兼綜理

兵食二事尚方特鑄總督邊儲印記畀之公以責任  
益重不遑寧處乃復陳邊計曰臣在邊年久頗知大

同地利其中路有青楊林馬頭山等處西路有樺  
皮溝行院屯等處東路有爛柴溝陽和灘等處土沃

而多水草洪武永樂間俱有居民屯種畝收穀至二  
府 志 卷二十三 六

三石臣謂方今宜於諸屯戍所屯步兵於所近沃野  
開耕作息以時乘閒講武至秋收成官爲歛發而出

納之足國裕民莫過於此壬戌拜戶部右侍郎祿二  
品正統己巳夏虜始渝盟公得謀報輒先以聞及秋

虜果大入 朝廷乃命西寧侯宋瑛往撫師督戰不  
利諸將或死或遁惟公以居守獨完既而 車駕親

征幸大同駐蹕三日振旅公得見而不得言及 帝  
北狩復幸大同公與守將廣寧伯劉安率衆出城朝

見 帝命公括官庫金帛以犒虜酋或難之公曰主  
憂臣辱主辱臣死古之義也 府庫物皆 朝廷所有



豈人臣所得專天祐 聖躬倘可以權道餌虜脫吾  
君於難設有罪當以坐不以累諸君果乃從焉卽盡  
出所有以獻而具聞于 朝景泰初大臣掌利權者  
奏請下吏較勘有無欺隱欲因以中公不爲動事  
亦不竟久乃白其年冬以城守勞進都察院右都御  
史辛未以却虜功轉左都御史赴 闕議事上章乞  
致仕從之旣六年 英宗復位以 璽書趣召公公  
入覲延見便殿卽日拜戶部尚書居三年以衰老自  
陳乞骸骨許之陛辭賜寶鈔三千貫大官賜宴以行  
憲宗嗣位初 詔進從一品階榮祿大夫以疾終年

府志

卷三

七

八十有一○王斌字文質丹徒人刑部郎中○蔣暹  
金壇人○徐瑑見進士

戊子科○强善字 丹徒人新喻縣學教諭○張  
孝先字誠中丹陽人任江山知縣

辛卯科○張默字 丹徒人任剡溪縣知縣陸廣

州府同知○張禎字彥禎丹徒人任瑞州府學教授  
○朱瑾字 丹徒人任桂陽縣知縣○呂獻字仲

賢丹徒人任戶部郎中○劉銓字 丹徒人任訓

導○嚴敬字行簡丹陽人○吳顯字士達丹陽人知

山東歷城縣○王璉見進士○高遷字景升金壇人



爲光山儒學教諭陞國子學錄時選使日本者尚書胡濙以名薦改行人賜一品服以行使還擢翰林院編修○史鑑金壇人

甲午科○劉善字

丹徒人新昌縣學教諭○張

森字茂林丹陽人終分水縣丞○儲懋字世績丹陽人領鄉薦爲禮經之冠明年會試中教官選或謂公之學一第可俯而拾盍少俟時公曰君子之立身行道何必進士然後可遂去爲台州府學訓導秩滿擢拜吏科給事中時有鄉人以誑誤坐罪至死其子擊登聞鼓訴寃公適當直應奏或以避嫌止之公曰此

府志

卷三十一

八

吾職也何避嫌之有苟欲避嫌而使人寃死可乎卒奏之得免死 上皇初開經筵用公爲講官賜白金

文綺遂陞翰林脩撰脩 宣宗皇帝實錄書成進侍

講有白金綵幣之賜進戶部右侍郎福建用兵命公

主糧餉得便宜行事公諭有司毋急歛困民困民則

亂茲起多方規畫出豪右餘積以濟軍事用不乏而

功以成景泰二年十二月 詔以禮部右侍郎儲懋

爲南京戶部尚書時公已病不能朝遣其子韶鳳等

請闕越八日終于位

丁酉科○陸坦見進士○盛祥見進士



庚子科○丁智字希哲丹徒人館陶縣知縣○管敏  
字思聰丹徒人成都府學教授○胡清字士澄丹徒  
人禮科給事中彈劾無所避遷浙江叅政○殷時見  
進士○張瑛金壇人知於潛愛民有去思

癸卯科○劉忠字良弼丹徒人任興化府同知政多  
平恕人懷服之正統末 朝廷命將征閩寇軍次于  
莆士卒買魚脯食割而蛆見咸噪曰是蠱我衆矣其  
執其人告帥帥色變亟命斬之忠排管門入曰非蠱  
也蛆也請以水滌視已乃捧之飲而盡帥悟遂不罪

○管禎字孟賢丹徒人內黃縣學教諭○駱王字

府志

卷三十一

九

丹徒人博興縣學教諭○蔣宗金壇人任臨安知  
縣

宣德丙午科○錢寧字思民丹徒人授保定府同知發  
奸摘伏事無留滯尤篤意庠序課其勤惰士民咸服  
尚書郭璉胡濙薦守河間未報卒○丁寧字九章丹  
徒人建寧右衛經歷○高寧字永清丹徒人郴州知  
州○阮政字廷用丹徒人鎮海衛經歷○王瑄金壇  
人東牟教諭

已酉科○范敏字有道丹徒人桐鄉縣學教諭○吳  
山字宗嶽丹徒人廣平府同知○張坦字履貞丹徒



人未仕卒

壬子科○謝珽字

丹徒人解元青州府學教授

○沈鑑字

丹徒人○戴宏字文字丹徒人惠安

縣學訓導

乙卯科○俎迪丹徒人訓導○譚文丹徒人○史潛

見進士

正統戊午科○顧祐字

丹徒人楚雄府學教授○

徐潤字澤民丹徒人任思南府學教授○蔣霽字景

陽丹陽人任禹城教諭

甲子科○馬琬見進士○胡昇字東暘丹徒人從父

府志

卷二十三

十

成貴州中雲南鄉試累官岳州府同知考上最卒官

丁卯科○畢昇字孟輝丹徒人任金華五臺仁和教

諭遷廣信府教授嚴師範以清介自持揚善獎能孜

孜若不及一時推譽以爲學職第一卒門人私謚曰

文介先生祀于鄉賢所著有慎齋稿○莊容字可觀

丹徒人任光祿寺署正○錢樹見進士○王豪見進

士

景泰庚午科○吳宣見進士○胡信見進士

癸酉科○甯璉丹徒人任贛州府通判陞懷慶府同

知○吉惠見進士○劉貴丹徒人任訓導○袁道丹



徒人任商河訓導○鄧觀字偉之丹陽人任吉安府訓導鄆縣教諭○成晉字遷道丹陽人任慶都教諭○呂銘字景脩丹陽人任永豐知縣○李安見進士丙子科○王孟堅名犯 景皇帝諱以字行金壇人累官遼府長史

天順己卯科○汪鏞字廷器丹徒人任襄府教授○江漢字濯之金壇人任臨江府通判

壬午科○達毅見進士○費閭見進士成化乙酉科○達頴字士敏丹徒人授國子監學錄遷

瑞州府通判○曾佐丹陽人  
府志 卷三十三 十一

戊子科○趙祥見進士○陳以忠丹陽人○艾能字以學金壇人任教諭

辛卯科○王齊字一之丹徒人經魁○楊綸見進士○高洪字宗範金壇人任泉州府通判

甲午科○于鑑字南金金壇人究心邵氏之學著有中說多自得之言任江西萬載知縣累贈右副都御

史○劉鑑字景時丹徒人○下璣見進士○顏信字誠之丹徒人華容縣學教諭

丁酉科○韋顯丹陽人任鄒縣知縣

庚子科○孫昂見進士○潘文丹陽人○戴璽字廷



章丹陽人累官南昌府通判

癸卯科○張縉字朝用丹徒人累官廣信府知府○

孫冕見進士

丙子科○湯禮敬見進士

弘治己酉科○靳貴第一人見進士○楊綱字季德丹徒人○

馮經見進士○段敏見進士

壬子科○王濟字汝楫初任餘干訓導有藻鑑名入

爲國子助教擢監察御史疏陳馬政利弊甚悉先是

江南歲以養馬解駒爲累倒死賠償至有傾家鬻子

者濟疏請議和馬價民免賠償而馬賴實用至今便

府志 卷三十三

上二

之以忌出判東平歷知開州武定擒巨盜馬彪等陞

湖廣僉事分巡郴桂會苗夷龔福全作亂設計擒斬

千計論討賊功方大用而濟懇疏乞休詔卽其家陞

湖廣叅議濟侃侃有氣節遇事敢言卽居鄉如在位

時處親族甚有惠愛嘗置義產以贍宗人雖囊橐蕭

無憾○王璿字國儀丹徒人任衢州府同知改溫

州府○張萊見進士○殷整見進士○孫炯見進士

○右達中順天鄉試見進士

乙卯科○虞夔見進士

戊午科○陳猷字汝嘉丹陽人任安縣知縣○李



時字若時丹徒人任鎮平知縣積穀賑荒全活甚衆  
在任九年調德安知縣陞真定府通判未赴卒○李  
懋字德卿丹徒人任會稽縣知縣

○顏翀字志高丹陽人累官鄖陽府同

知○王斌見進士

辛酉科○蕭杲見進士○許完見進士○趙胤宗字  
世卿丹徒人任南安府通判○孫方見進士

甲子科○儲璉字良器丹徒人盧氏縣知縣○王朝  
中順天鄉試見進士○張瑩字明之丹徒人桐廬縣  
知縣○曹倣見進士○吉棠見進士○戴仲綸中順

府志 卷三三

十三

天鄉試見進士

正德丁卯科○吳鑄字大治丹徒人河南府同知○蕭

佐字世臣丹徒人○俞燦字貞明丹徒人魯府長史

○唐鵬見進士○鄭墳字廷音丹陽人知陽穀縣調

清平○史鸞字和鳴丹陽人知廊縣以廉著○王臬

見進士○秦璽字朝用金壇人

庚午科○王鏐字文鎔金壇人任安丘知縣○于湛

見進士

癸酉科○丁瓚見進士○唐侃字廷直丹徒人選永

豐知縣遷武定州知州擢南京刑部員外郎平生砥



厲名檢年二十獨居所讀書處夜有奔者侃峻拒之  
明日遂移其處終不以語人以父被囚繫上書請代  
弗得乃藉草寢地夜不解衣如是者易寒暑父免獄  
乃止嘗出游得商所遺金不啓囊而還之爲州縣未  
嘗一日携妻子數千里外獨與一二僮僕飯蔬羹豆  
榻茅以居永豐人善訟武定爲山東悍州侃旣素豈  
弟長者其爲吏尤欲以古教化先之不忍以敲朴苛  
細爲能故所設科條其始若甚迂濶久之眞誠溢出  
吏民不忍欺遂以辦治稱嘉靖戊戌 章聖梓宮往

承天道山東上官檄侃德州供張至則諸內奄牌校

府志

卷三十三

十四

橫索百端挾威凌侮聲勢詢甚奴叱諸尊官鞭撻州  
縣假言供張不辦捕死矣欲以恐嚇錢物諸同事者  
皆懼逃去侃獨橫身當之先是侃命從者昇一空  
密置旁舍中及諸人索錢急侃佯謂曰吾與若諸錢  
所受錢乃引之旁舍中指棺示之曰吾已辦死矣錢  
終不可得也諸人乃稍稍引去事遂以辦始侃受命  
上官哀民間財甚鉅欲盡以給侃猶恐不塞侃曰以  
半往足矣至是所需又不及其半而以其餘還之公  
帑諸逃者皆被劾逮去而侃乃受旌年五十九卒于  
南京之官舍貧不能具棺斂尚書及諸寮賻之錢若



干乃棺以還其家○王濂字仲清金壇人孟堅從子  
授湖州府推官爲直指使者所知適潘長被論去人  
疑言出於濂并罷○孫悅見進士

丙子科○達忠字宗周丹徒人知龍泉縣○鄔紳見  
進士○許寰字清之丹徒人知武定州○吉良字大  
用丹陽人知京山縣改墊江○馬致遠字德驥丹陽  
人知義烏縣○曹邦彥字茂中金壇人戶部司務贈  
翰林院編修

己卯科○楊琬字元仁丹徒人知隰州○吳淮見進  
士○潘楷字式夫丹徒人知平陽縣僅半載以治獄  
不肯枉忤當道竟歸杜門終身○陸爵字良貴金壇  
人淡于世味恬于進取未仕卒○段藻字子潔金壇  
人敏子未仕卒

嘉靖壬午科○張激丹徒人未仕卒○孫經丹陽人○  
陳鳳丹徒人知連州○盛廷蘭丹徒人南京刑部司  
務

乙酉科○姜鎮字克甫丹陽人授知古田縣未赴卒  
○王標字景魁金壇人未仕卒

戊子科○呂高見進士○潘相字著夫丹徒人楷弟  
知奉新縣改新寧所在有聲考績赴京卒○睦燁見



進士○朱應奎見進士○尹燦字文彩金壇人知莒州○曹邦奇字茂容金壇人邦彥族弟知東光縣辛卯科○錢亮見進士○嚴寬見進士○茅鑿見進士○顧進丹徒人知松陽縣○張浹字仲悅丹陽人○姜符字信夫丹陽人鎮族子知茶陵州改茂州居官清白居家孝友○東晉字汝脩丹陽人中順天鄉試○張珍見進士○王燁見進士

甲午科○李末字頴叔丹徒人時之子任隆平知縣屢擒劇盜以廉節聞○王相丹徒人知龍溪縣○沈崇丹徒人未仕卒○丁一敬字聚卿丹陽人累知崇

府

志

卷三三

十六

義安仁衡陽三縣陞知滄州○虞儼字子溫丹陽人知黃岡縣

丁酉科○王廂字朝佇丹徒人授浙江象山知縣海寇據舟山貧民皆走依之爲亂廂所招撫以數千人調湖廣益陽縣大水緩征平糶發粟賑濟民賴以甦卒於官主簿李孟春爲治其喪后得廂所積贖銀貳百金馳吏賫送於途其配楊氏使人謝曰自我兩從君子宦遊未聞贖金爲我君物也固不受利名宦○

宦更字懋昭丹陽人○陳應信字子敬丹陽人知湘潭縣○鄧植字斯立金壇人知嘉善縣



庚子科○徐縉丹徒人未仕卒○曹悅丹徒人知黃巖縣○陳佐丹徒人知於潛縣○夏儒見進士○陳繼志字孝思金壇人未仕卒○張祥鳶見進士

癸卯科○沈晃見進士○于業見進士

丙午科○萬木名若木丹徒人知左州自爲諸生卽

以學行著聞有不貧生木辭以不貧居官清謹俸

資悉以分弟生十一介不苟鄉人敬信應祀鄉賢○

王燧字時用丹徒人知醴陵縣丁憂服除補新喻改

贛州府學教授又知夏津縣清介端直以古道自持

家如寒素○張卿字公甫丹陽人以歲貢中順天

府志一卷

鄉試知安溪縣官○姜實符族弟見進士○吳嶽

字高之武進人以丹陽學生中式終國子助教○史

鍾慶字慶忌金壇人未仕卒○曹大章見進士○王

樵見進士○冉姓丹徒人就教陞知縣又改教嘉興

府

巳酉科○李儀朝卿金壇人未仕卒

壬子科○曹恬丹徒人倣子中順天鄉試任東川軍

民府通判○鄔卿丹徒人紳子知湘潭縣○許成

仁丹徒人未仕一○陳金字南甯丹徒人長汀知縣

青州府同知○荆文燁字仲韜丹陽人知建安縣卒



官○潘廷佑字良弼丹陽人知始興縣卒於官○鄧季宇時成金壇人中順天鄉試

乙卯科○林萬春丹徒人官建寧府通判○曹棟見進士○范昕丹徒人官雲南府通判○周柱丹徒人歷替皇龍陽知縣○荆文炤見進士○于未字次公金壇人湛子中順天鄉試

戊午科○徐得禎丹徒人江西撫州推官汀州府同知益府長史○范崙見進士○荆光裕見進士○賀邦泰見進士○薛瀚字文源金壇人建昌通判羅定知州

府志 卷之三

十八

辛酉科○法暄字子煦丹徒人以教官中河南鄉試藁城知縣保定府通判南寧府同知周府長史○喜僉丹徒人任饒州府通判○周文時字德中丹陽人未仕卒○于孔兼見進士○湯一鳳字文徵金壇人未仕卒

甲子科○陳文字美中丹徒人同安知縣鄧州知州寧波府同知○沈文淵丹徒人知萬年縣○曹慎見進士○馮汝明見進士

隆慶丁卯科○姜克昌丹徒人知燥縣○阮時升初名時行丹徒人泰和上猶萬安知縣瀘州知州○姚宋



丹徒人中順天鄉試任饒州府推官○潘子奇字子明金壇人延平通判隨州知州

庚午科○張雲漢丹徒人未仕卒○卜維新見進士○于廷燮字調陽金壇人業兄子未仕卒

萬曆癸酉科○劉際可見進士○王堯封見進士○莊文龍字德明金壇人國子助教茶陵知州○于文熙見進士○張國禮字克讓金壇人祥鳶族子

丙子科○李一陽見進士○茅崇本見進士○姜志禮見進士○于明照字孟暘金壇人禾子遙授南京都察院都事○王鍵見進士

府志

卷三

十九

巳卯科○曹良貴字子充丹徒人做弟郡賓做孫○湯熙載字懋勛丹徒人知榆社縣○姜士昌見進士○湯日照見進士○張肇見進士○賀學易字知幾丹陽人邦泰子○史懋文字崇質金壇人鍾慶孫○王思聰字德謀金壇人樵從子○王肯堂見進士

壬午科○史載道字經生丹徒人知德陽縣○張繼東字汝照丹徒人鑿孫嚴州府推官○呂克家字聖脩丹徒人高子知永豐縣○華鈺見進士○姜志稷字

文儒陽人符孫○鍾鳴陞見進士○葛懷德字子順陽人知黃巖縣○賀學禮字知立陽人邦泰子○馮



體乾見進士○于王立見進士

乙酉科○吳之望見進士○張洪典字常卿丹徒人  
知葭州補武崗隨任祠碑陞潯州府同入名宦誥封  
父母壽登七旬一晉階朝列大夫為人清正孝友崇  
祀鄉賢○夏禹鼎字德在丹徒人子○錢邦偉字  
伯英丹徒人○邵位丹陽人○丁堯官字子讓丹陽  
人一中子○于仕庶見進士○史弼見進士  
戊子科○周應秋第一人見進士○段弘璧字叔端  
金壇人藻孫任句容縣學教諭○史光國字良卿金  
壇人未仕卒

庶志 卷五十一

三

辛卯科○徐希孟縉孫見進士○徐大用字行甫丹  
徒人○談自省字季曾丹徒人○丁鴻陽見進士○  
眭金礪字石卿丹陽人燁孫○孫雲翼字禹見丹陽  
人居金壇

甲午科○張拱極字伯樞丹徒人○劉觀文見進士  
○周廷侍字鵠卿金壇人應秋弟○陳舜蘭字芳卿  
金壇人繼志孫

丁酉科○李蔚丹徒人○萬編丹徒人子○賀萬元丹

陽人○史樹德金壇人○蔡秉元金壇人○吳燮金

壇人



重修鎮江府志卷之二十四

士品志四

貢

宋張綱入太學以上舍及第釋褐詳進士○許暘以貢  
士釋褐詳進士○張頡五魁鄉選貢太學升上舍詳  
進士○湯喬年字壽隆丹陽人博學工文慷慨自負  
爲太學前廊秦檜欲致之使學官諭意喬年罵曰是  
主和議者吾方爲天下讐之寧能出其門乎後以特  
恩對策授迪功郎韶州推官不赴老於家弟修年○  
湯鵬舉由郡縣貢京師試上舍第一詳進士○陳東

府志

卷五

乙

字少陽丹陽人蚤有雋聲傲儻有氣不戚戚於貧賤  
以貢入太學欽宗卽位率其徒伏闕上書論今日之  
事蔡京壞亂於前梁師成陰賊于後李彥結怨於西  
北朱勗聚怨於東南王黼童貫又從而結怨於遼金  
敗祖宗之盟失中國之信初開邊隙使天下勢危如  
絲髮此六賊者異名而同罪伏願陛下擒此六賊肆  
諸市朝傳首四方以謝天下言極憤切金人迫京師  
李邦彥議與金和李綱及种師道主戰邦彥因小失  
利罷綱而割三鎮東復率諸生伏宣德門下上書曰  
在廷之臣奮身不顧以身任天下之重者李綱是也



所謂社稷之臣也其庸繆不才忌嫉賢能動爲身謀  
不恤國計者李邦彥白時中張邦昌趙野王孝迪蔡  
懋李梈之徒是也所謂社稷之賊也陛下拔綱列卿  
之中不一二日任爲執政中外相慶知陛下之能任  
賢矣斥時中而不用知陛下之能去邪矣綱任而未  
專時中斥而未去復相邦彥又相邦昌自餘又皆擢  
用何陛下任賢猶未能勿貳去邪猶未能勿疑乎邦  
彥等執議割地不知割太原中山河間以北之後邦  
彥等能使金人不敗盟乎一進一退在綱爲甚輕朝  
廷爲甚重幸陛下卽復前命復綱舊職以安中外之

府志

卷三

二

心付种師道以聞外之事陛下不信臣言請徧問諸  
國人必皆曰綱可用邦彥等可斥也用舍之際可不  
審諸軍民從者數萬書聞傳旨慰諭者旁午衆莫肯  
去方昇登聞鼓搥壞之喧呼震地有中人出衆鬻而  
磔之於是亟詔綱入復領行營遣撫諭乃稍引去金  
人旣解去學官觀望時宰議屏伏闕之士先自東始  
京尹王時雍欲盡致諸生於獄人人惴恐朝廷用楊  
時爲祭酒令東還學衆然後定吳敏欲弭謗議奏補  
東官賜第除太學錄東方辭以歸旣歸復預鄉薦高  
宗卽位五日相李綱又五日召東東至未得對會綱



去乃上書乞留綱而罷黃潛善汪伯彥不報請親征  
以還二聖浴諸將不進兵之罪以作士氣車駕歸京  
師勿幸金陵又不報潛善輩方揭示綱幸金陵舊奏  
東言綱在中塗不知事體宜以後說爲正必速罷潛  
善輩會布衣歐陽澈亦上書言事潛善遽以語激怒  
高宗言不亟誅將復鼓衆伏闕書獨下潛善所府尹  
孟庾召東議事東請食而行手書區處家事字畫如  
平時已乃授其從者曰我死而歸致此於吾親食已  
如廁更有難色東笑曰我陳東也畏死卽不敢言已  
言肯逃死乎吏曰吾亦知公安敢相迫頃之東具冠

府志

卷五

三

帶出別同邸乃與澈同斬于市四明李猷贖其尸瘞  
之東初未識綱特以國故至爲之死識與不識皆爲  
流涕時年四十有二潛善既殺二人明日府尹白事  
獨詰其何以不先關白徹示慍色以明非已意越三  
年高宗感悟追贈東澈承事郎東遺腹子嗣宗幼官  
有服親一人澈子令州縣撫其家及駕過鎮江遣守  
臣祭東墓賜緡錢五百紹興四年並加朝奉郎秘閣  
修撰官其後二人賜田十頃○顧奎字應文丹徒人  
徙金壇三舉禮部一入太學俱不第乾道中以特恩  
授迪功郎縣尉卒好學篤行後進師尊之每郡博士



至必執弟子禮迎致鄉校以爲領袖鄉人稱爲老顧先生○蘇景瑋補國學內舍生詳進士○郭景星字元德鎮江人宋咸淳二年以鄉試待補貢太學生入元翰林王構編脩李謙使江南選佳士郡首以爲薦以親老辭不行後大司農燕公補提刑趙文昌列薦于省授淮海書院山長仕至從仕郎台州路黃巖州判官天性至孝母九十餘終時年已七十哀毀過禮卒年七十九有寓意齋文藁若干卷子畀畀弟異異弟畧○青陽夢炎選補太學生詳進士○林桂發太學生附正奏進士出身詳進士○俞酉發字明叔咸淳中以明經由京庠試太學上第隱居不仕以詩酒自娛六經諸史無不涉獵有傳註補遺三十卷藏于家子髦從子希魯希魯子圭字伯鎮以文章世其家學

府志

卷五十四

四

國朝豐藻字士潔任工部司務○丁恒字九成任御史有才俊聲○姚思恭字克讓任河南都司經歷○孫怡字文順精象數之學○盛恭字彥容任主事○張縉字子紳任刑科給事中○王豫字用悅任大名府推官擢御史風裁疑峻得激揚體遷浙江巡海副使便宜行事斬失律者數人聲譽赫然進雲南左布政



德威並懋民夷帖服卒於官○魏忠任南雄府知府  
州知府陞見以鄰封辭 文廟優諭遣之未幾召拜

兵部侍郎後陞山西右布政使尋改左布政使○朱

忠任推官○陳遠任郎中○丁富任工部主事○張

進字公迪任御史○戚勳任蕭山典史○楊永清任

工部主事○李潤任懷慶府通判○順寧任戶部主

事○周鎬字叔京任後府都事○張中任國子監助

教○劉全任訓導○葉蕙字仲芳任華陽知縣○張

弘字宗大任員外郎○吳禎字子祥任端州府照磨

府志

卷五

五

○周密字文理任御史遷廣信府知府○張瑛字英

甫歷官南昌與定知府○徐用任御史○吳端任國

子監丞○張顯字仲昂任留守衛經歷○闕魯字宗

周任戶部主事○秦恕字本忠任溫州府檢校○高

翥字仁本任檢校○潘進字德昇任桂陽知縣○竊

復字德剛任登州府同知○費寧字叔清任晉州知

州屏除豪猾善類賴之○顧寧字仲謚任縉雲知縣

○俞琳字廷璋任崖州訓導○陰仲明任照磨○米

忠字伯義任戶部郎中○嚴禎字廷瑞任莒州學正

○鎮字世安任夔州府經歷○朱或字煥章任刑



部主事○臧遠字弘毅任永州府同知多惠政○曹孟字景先任光澤知縣○劉瑛字文傑任登州通判○吳淵字文靜任桂陽知縣擊討洞獠有功璽書褒之○秦智○李鎡○潘序○王昇字啓明任曹縣丞○袁銓字文衡任盧龍知縣○杜景任州判○張文字子英任訓導○潘晟任壽光主簿○張恂字孔怡累官刑部郎中於寃滯多所疏滌其少時拾遺金道上復還故主不受室女私奔爲士庶所稱說○張遜任汝州判官○張斌字文中任朝城主簿○吳祐累官太僕寺少卿○劉銓任主簿○王憲字廷章任萊府志

卷五

六

州府推官治獄多平反萊人德之○宋哲任開州知州○袁謙字文益任深州判官○倪迪字尚啓任豐縣主簿○沈理字文通任梧州府知事○沈紳字文舉任訓導○仲英字景華任雲南鹽井提舉○彭鎰字文中任武昌府通判遷福建市舶提舉○張洪字大用任永城知縣○吳煜字彥輝任兗州府推官○朱耀任襄陵知縣○靳瑜字廷璧任溫州府經歷以勤敏稱務在利民不爲苛削所築海塘至以靳公名之溫人祀之名宦○何源字文淵任郴州府訓導○劉儀字文禮任楚州教授○陳理字文道任京衛經



歷○張寅字孟端任平江知縣○陳禎任縣丞○徐澄字本清任縣丞○郭忠字良輔任壽光知縣○王宏任知縣○王環任漳州府經歷○丁誠字思誠任國子監典簿○陳隆任遼陽衛經歷○杜晟字克明任臨江府推官○秦魁字文顯任縣丞○丁信字惟誠任訓導○湯日新字茂德任永豐訓導○張旻字仲仁任教諭○王誼任道州判官○呂淵字伯泉任內江知縣○顧璉字宗器任衛知事○龔鎬字惟學任景州吏目○殷禮字伯恭任興化府知事○丁釗字文勉任奉節知縣○錢輝字文照任京衛經歷○

府志 卷五

七

吳鉞任主簿○謝叙任訓導○湯恕○張祥字文瑞任建寧府經歷○吳永泰字大亨任石泉知縣○劉倫字廷叙任布政司經歷○馬驤任織染局副使○吳鼎字宗器任武陵主簿○湯敬字廷王任汝州府通判○何鑑字大器任光化知縣○孫益字貴謙任隨州判官○孫振字克舉任衛經歷○孫鎮字士安任鐵嶺衛經歷○宋澍字民望任訓導○張纓字世美任訓導○張永字孔脩任黃巖縣丞○戴倫字秉彛任臨海主簿○陶懋字勉學任鄭州判官○戈賢字希傑任零陵縣丞○袁溥字士宏任平湖教諭○



張暹字景輝任射洪知縣○俞懋字文勉任饒州府通判○薛寔字本誠任太常寺典簿○嚴儀字文範任弋陽知縣○吳紳字公華任訓導○王玠任廣州判官○范禎字廷瑞任禹城縣丞○梁銓字彥衡○周肅○盛廣○徐英任應山知縣○湯明○許政○高山字宗岱任襄陽知縣○靳儼字思恭任南皮縣丞○解瑾字仲美任通州訓導○吳琳字惟貢任魯府教授○吳端任縣丞○王佐○狙高字化升任崇府教授○莊禹字用美任縣丞○呂瓚字廷益任知縣○盛鑑○周鳳字雲翰任雄縣訓導○許理字廷

府志

卷五

八

美○聶瑤字居貴任江州判官○鄒晟○范旭字景熙任衡府伴讀○魏源字資本任訓導○范祚任東昌府通判○陳立任訓導○王麟○李倫任萬載訓導○張玘任分水知縣○鄭謹任訓導○湯浩任嶧縣訓導○鄒浩任知縣○王玘任王府引禮舍人○吳璽任莒州訓導○胡紀任豐城教諭○黃繼宗任新城訓導○陳惟善任河間府訓導○劉珙任玉田訓導○周永祿任雲南知縣○張淪任新淦訓導○程棠任鄧州訓導○蔣永和任訓導○楊寶任泗水訓導○張軒任衛經歷○胡佑任訓導○艾桂○孔



倫○達冕○張銳○宗猷○戴欽任教諭○吳琬○  
耿光○盛英○王琮○陶傳○夏寅○吳鐸○張定  
純任訓導○趙理○達賓○曹澍○趙閏○陳鑑○  
裴俊○姚讓任江西按察司經歷○楊榮○金亮○  
倪文○張景○徐俊任江寧教諭○張表任漢川教  
諭○竇璉任田州府經歷○蘇順任主簿○程頤字  
文偉○沈啓宗字克振任曹縣丞○孫琮字廷璽任  
漢陽府推官○陳忠字良弼任泉州府經歷○王貴  
顯字時濟○趙愈○盛益字坤謙任曹州判官○嚴  
鰲○楊縉○金珥字起川世爲晉陵人徙居丹徒之

府志

卷五

九

呂城氣字醇厚理學淵源爲諸生時卽有用世志初  
任瑞州府訓導值歲大飢首議發粟賑之當事者以  
未得請不決珥毅然爭之曰待請而後賑民無噍類  
矣且以此獲罪不愈于立視民死乎監司義而從之  
全活飢民甚衆改太和俗尚風水積棺不土葬且生  
女多不舉歎曰此風不革世將無復人道請于部使  
者嚴立保伍以禁之自是風俗爲變聞有薦其可大  
任者卽上書乞休不待報而歸性狷介非其義千金  
弗顧且孝友天至鄉黨稱之人無間言○范堂○孫  
瑤○費衡○湯滋○劉珊○李麟○韋謙○李林○



張瀾任公安教諭○宋清任六安教諭○朱英○吳  
蘭任德清訓導○喜壽任貴溪訓導○胡延年任經  
歷○司政任天台訓導○沈魯任泉州府訓導○殷  
麟任樂城知縣○毛文○茅鑒任普安州判官薦升  
安定知縣○朱紳○歐陽佐○王諫○王誠○歐陽  
璣字文明任姚州知州○歐陽理字國治任武義知  
縣○陳元振任安福訓導○歐陽璿字國振任鹿邑  
知縣○歐陽璉字國器任深州判官○丁冕○凌鑿  
○楊暉○王鈺任九江府通判○潘椿○陳鉞任福  
州訓導○賀紘○嚴賓任澧州學正○盛恩任湖州  
府志 卷三

府通判○錢可教任知縣

嚴賓任知縣

○趙鉞○

朱錫任榮府紀善嘗從王心齋良游遂于理學○唐

鸞任岳州府通判以清介名○魏潤任寧陽訓導○

姜文義宗枋新齊○王佐○俞坦○林斐○

許宸任通許訓導○鄒縉○孫璣任主簿○許守任

知縣○吳槐○劉東○朱禮○李伋○薛清○王詢

○余愷○吳閻任海豐教諭○丁梅○謝貫○姜齊

任長河訓導○周儒○冷傑○沈聞禮任會昌教諭

○張軼○高軒曾恬見鄉舉○李杉○王謙性醇

直義讓恩薦鄉評重之○丁邦寧任教授○吳大經



任教諭○張集○朱節任通城知縣○吳臣任青州  
府教授○谷廷恩○杜河任臨壽教諭○喜會任國  
子監典籍○田禾○夏昭任烏程縣丞○法暗見鄉  
舉○魏如英○王儲任吉庶教授○薛旂○李迎○  
胡榘○呂元聲任上猶知縣○居官任東陽訓導○  
夏汝恩○殷士望字德甫其父大經素輕財重禮有  
德德嘉靖間被倭奴縛去將刃之士望請賊請以身  
代其詞甚哀賊爲感動兩釋之督學耿 奏請遂以  
附學充貢累官衢州府教授以孝行旌門○盛德○  
王三槐○任恩○沈聞政任浦城訓導○王亮采○

府

志

卷三

七

文

朱鈺○紀光訓任安順州知州○楊茂春有才名○  
王惠○孟璋○蕭璜○鄔綱○茅崇本見進士○呂  
中聲○張易○沈聞詩○茅澆任平湖縣丞○朱朝  
元任温州府經歷○邵忠○周邦新任教授○金明  
○劉玉○錢大猷任江華知縣○周邦奇任夏邑知  
縣○謝賢任和州訓導○張可任陸川知縣○陳九  
疇○金恕任句容訓導○吳之望見進士○張鵬任  
靖州學正○喬景新○周曰庠任霍山教諭○吳樸  
任祁門教諭○傅良弼任主簿○茅崇采○陶采○  
郭維翰任仁化知縣○王之道任泰興訓導○劉士



賢孝友有學行士論推重○王之夔任江陰教諭○

潘文陞○華永○王學益任杭州府訓導○程世奇

字常孺○茅濡字季雨和州訓○張大光字應素○嚴瀚字子受

范岱字子宗○魏士英○吳芊字蔓之休寧訓○茅

渙○鄔悅○張拱昌字幼文○李賓選貢○丁

琦以上丹徒人張存字性中任安遠主簿學問該博所著

有雪洞集行於世○胡善任廣西按察司副使○陳

璉任御史○蔣原節○張鐸任都督府經歷○譚鑑

字子範任御史○冷貞字用亨任工部員外郎○梅

華字仲英任公安知縣○朱亮字彥明任禮部主事

府志 卷五 十一

○陳觀任光州判官○周鎬任博興縣丞○吳達任

寧海衛經歷○陳達字兼善任泉州府知府○吳洙

字希魯任汝寧府同知○許源字仲清任瀘州知州

○吳衡任臨湖縣丞○袁寬字裕之任臨江府檢校

○蔡深任柳州府照磨○譚毅任大同府知府○劉

源字本清任衡陽縣主簿○左淵字逢源任壽光縣

丞○殷鑑任黃州府知事○蔣敏字彥遜任惠安知

縣○貢琛任交趾太原同知○吉銓任通道典史○

冷潤字將春任淳安主簿○許新字日新任善化縣

丞○陳彪字文威任温州府照磨○江徽字懿恭任



陝西按察司照磨○官壁字廷珪任柳州府同知○  
丁銳任浦江知縣○鄭琚字廷玉任福建布政司照  
磨○韋紀字伯綱任新泉縣丞○眭楚寶任寧海同  
知○眭純字用全任延平府檢校○夏芳字景茂任  
襄陽府同知○周理字文輝任歸安縣丞○殷琥字  
伯玉任黃州府知事臨川縣丞○張弘字德克任桐  
鄉訓導○王黼字廷章任鞏縣知縣○蔡鑑字克明  
任御史○夏必貴任滕縣知縣○蔣必顯任灤州同  
知○朱時字時中任天台縣丞○周琦字廷璧任惠  
安縣丞○張佐字廷輔任戶部員外郎○王璽字宗  
府志

卷五

十三

明

文任邵武縣丞○蔣琛字廷用○李如雪字彥芳○  
蔣勤字志學任隴州判官○周俊字彥英任沙縣知  
縣○儲善任桐鄉訓導○王敏字好學○王俊字世  
傑任左府都事○蔡恒字允恒○蔣珖字潤之○蔣  
能字世傑任听城縣丞○韋堅任伊陽知縣○潘庶  
字景清任龍泉縣丞○張珙任雲南都司斷事○孫  
縉任辰州府經歷○馮敏任威縣丞○酈哭字文耀  
任光祿寺署丞○眭傑字士英○陳理字宗道任京  
衛經歷○丁倫字宗彞任保寧府訓導○陳華字文  
輝○張雄字文傑任普寧衛教授○張鼎字廷器任



淑浦知縣○潘溶字文貴任萍鄉縣丞○趙瑀字廷  
王任蓬州判官○王琮字伯珪○鍾雲字民望任泰  
和王簿○周巖字公瑞任四川招討司都事○丁賢  
○江源字本深任寧縣丞○孔昭字克明任全州判  
官○陳璉字宗器任寧縣知縣○丁郁字文盛任鄒  
縣主簿○王禎字廷瑞任石城知縣○周德字廷碩  
任邵武府訓導○夏瀾字文淵任通許教諭○錢貴  
字本中任陳州訓導○周文隆字世章○袁鐸字思  
理任汀州府訓導○湯銘字克新任江華教諭○嚴  
瑛字廷輝○趙澍字澤民任維縣訓導○陳尚字尚

府志

卷十四

十四

列

志○沈熹字用慰固孫任南詔教諭○睦仲德字尚  
質任烏程縣丞○冷崇字伯高任賓州判官○蔣第  
字廷元任衛經歷○夏汶字思魯任思南府推官○  
潘璋字廷用蘆子○孫鵠字廷舉任遂安縣丞○史  
朴字文之○孫曜字啓明任嚴州府通判以清謹聞  
○朱臣字少隣歷河間重慶通判○潘暉字景暉任  
德化教諭○湯槃○吉節○周廷祥任武昌衛經歷  
○丁玘字仲介任南靖知縣○林杞字惟高任新寧  
知縣○邵蕙字惟馨任上高教諭○何堂字允升任  
趙州判官○蔣繼芳字克恭○丁伍字毅卿亢直多



口見憎於時○劉乾字健夫○狄孔仁任寧海學正  
○朱民牧字良甫任許州同知○虞山字邦鎮○孫  
綱字誠甫任肥城知縣○潘鵠字志冲任建德教諭  
耿介端方士類推重○何壁字允輝○丁一道字修  
卿任吳川知縣○張文卿見鄉舉○潘廷佑見鄉舉  
○丁一中字庸卿知青田縣詳練盡下情多惠政陞  
戶部主事出判延平陞泉州府同知皆有能聲陞南  
京戶部員外郎郎中致仕○顏守義字方之獅子任  
袁州府學訓導○朱節字貞甫任通城知縣○姜采  
字廷和任桐鄉縣丞陞黃巖知縣○史杲字升之任

府志 卷十四 十五 王

王山知縣○姜篋字應夫任餘干訓導○周愛字文  
孝任太平訓導陞上高教諭有文學○胡炤字文煥  
任臨安訓導○王懋中○賀淮字東卿任烏程縣丞  
○朱養銳字子韜任主簿○東桓字子威任寧州州  
判改膠州以直道見忤致仕○符坤字厚之任磁州  
學正○周傳字良傳○鄒恩○賀儼字汝升任應天  
府訓導○荆光祖字孝思任雲夢商河知縣陞王府  
審理以謹厚見稱於時○蔣堯卿任繁昌訓導獻縣  
教諭○東樸字孔旃任南豐主簿○張帷一字允中  
任實應訓導○孫雲翼見鄉舉○賀贊巽字敬甫任



縉雲縣丞○周道行字東興○葛思賢任常熟訓導

○孫雲仍字仲來○荆懋賢字元德○馮有宇○荆

棟

以上丹陽人

謝圭任知縣○段用衡任知縣○徐坦

任縣丞○王猷字景暉累官陝西僉事工詩文○王

遜累官左春坊正字○王振見薦辟○潘衡任吉水

知縣○袁立字可權任禮部祠祭司主事○潘遠任

斷事○湯中任河南叅議○虞謙字伯益以明經貢

太學太祖見而竒之擢刑部郎中知杭州府靖難

兵起自免歸都指揮賀驢兒執謙赴闕謂其既知天

命有歸托疾不朝請誅之以祖釋不問尋擢大理

府志

卷二十四

七

少卿永樂己丑車駕幸北京侍仁宗監國陞都

察院右副都御史尋轉左甲辰進大理卿謙感上知

遇凡事務持大體有犯罪不至死者所司准榜例論

死謙曰法令既定斷罪當一以法忤則法不信于民

矣上立從之天津倉火焚糧數十萬計遣御史按視

言王者侵盜多而幸火以自益遣逮幾八百人論死

者百餘人餘皆坐流配謙察其寃白上並以減論其

為都御史嘗奉命巡視淮揚徐州旱災請發粟三十

餘萬石賑民官為贖還所賣男女為奴婢者皆從之

車駕北征督運于蘇松兩浙諸郡以丁糧多寡分為



四等定輸之遠近民間便之營建宮殿督運大木於  
潁州陽武陸行下衛河所督軍夫數萬部分有法人  
不知勞成祖以官吏多爲民害分命大臣巡撫天  
下謙偕給事中許能徃浙江考察廉貪因建議便民  
十數事多見施行歷事三朝與三楊夔夏齊名以功  
名終子禎能世其家玄孫夔見進士○薛恭任紹興  
府知府○張進任四川道御史從孫昶昶孫奎俱有  
善行○張祐任長樂知縣○謝毅任訓導○蔣闢任  
縣丞○袁霖任交趾知縣○于本任嘉興府通判督  
餉雲南道卒以功贈同知○張洪任工部員外郎○  
府志 卷二十四 十一

朱達任保定知縣○陳旭任工部主事○朱安任經

歷○周榮任蘄州府同知○潘澤任吏目○吳福○

湯讓○潘鎮○史良任太平府通判○錢阜任烏程

知縣廉潔無私卓有治蹟○江淵○蔡吉○馮安○

朱澄任涪州知州○蔣幹任武義知縣○張恕任刑

部郎中○錢進任安鄉知縣○艾茂字本源任寧波

府訓導○丁貴任普寧知州○周普任夏邑知縣○

史璠任豐城訓導○錢納任昨城訓導○王冕任錦

衣衛知事○潘灝任南皮縣丞○湯瑛任壽昌訓導

○蔣瑾任經歷○潘坦任主簿○湯濬任主簿○潘



祥○錢璉任縉雲縣丞○湯勗○戴澄任大興主簿  
○高環○徐民任教授○溫恕○張璞任主簿○錢  
珙任安鄉知縣○李黃任遂昌縣丞○虞瓊任吉水  
縣丞○譚理任內黃教諭○蔣敏任上高縣丞○儲  
廣任濟源主簿○王完任湘潭教諭○虞理謙孫任  
兵馬指揮○潘昂任分水訓導爲人端謹○武崇任  
湘陰知縣○王銳振孫任知府○王鈍銳弟任餘姚  
訓導○蔣時中○鄧璘任永寧知縣○王進任教諭  
○韓綸任德化知縣○孫勗任衛經歷○江淮任徐  
聞縣丞○李璿○湯銘任河曲知縣○錢江任青州  
府志

卷三十四

六

訓導○孫昂○高濟任德安訓導○葛昂任石城知  
縣○徐鑑任開封府推官○虞靖平陽縣丞居官廉  
恕吏民畏愛卒於官邑之父老墓塋衣冠刻石大書  
曰平陽縣丞虞公愛民父母○李復初○謝欽任石  
門訓導○袁智○錢木澍子○王鎬任教諭○虞伯  
祥任餘姚訓導○孫澍任左州吏目○艾普任大理  
府經歷○王傑任仁和縣丞○艾琬字寶之任分水  
訓導公安教諭○史教任貴州都司斷事○湯灝任  
東平州訓導○張緩任嘉祥訓導○段溥字元博任  
武學訓導○尹賓任澠池訓導○戴鑿任嘉定州判



官○高雍任主簿○史攷○徐鉞任訓導○儲良任  
訓導○朱興○徐江任訓導○艾瑾○蔡葵○王楷  
任寧波訓導○徐登○鄧植見鄉舉○蔡傳○譚式  
任夔州府通判○史鑑任訓導○馮光遠任知縣○  
韓棗任縣丞○潘時字一中任餘姚教諭致仕歸避  
俗於天荒之濱臨水看山吟詠自適有集藏於家○  
楊琅任訓導○許道任教諭○唐治字時雍任涑水  
知縣持已廉約以直節去官抵家五日卒質遺衣以  
供葬具○鄧季見鄉舉○朱尚綱○元偉○虞廷任  
照磨○高擢任教諭○孫恬任教諭○韓槩任教諭

府

志

卷五

○徐遷任州判○高壁任教諭○徐道○陸守中○  
王清字仲源○孫繼芳字承緒○虞祁字元仲夔孫  
○馮尚○儲茲遇字必明任教諭○鄧楊字章甫植  
弟任萬安訓導才局宏深當路咸器重之卒官○許  
汝愚任訓導○高輔任訓導○馮繼志任應天府訓  
導○莊彥龍任會稽縣丞○儲一敬任平湖縣丞○  
王燧字明時任繁昌縣訓導太安武定二州學正是  
年奉新例六人選一燧越次應選正貢王暨考居復  
學之列暨以既不虛貢義難復學遂辭歸食廩雖三  
十四年實年五十有四耳平生志行不苟上論惜之



○王啓疆字宇定樵子任平湖訓導漳州府教授屢

薦陞涉縣知縣○高寵字子畏任武義訓導西安教

諭○潘槐字廷卿任盧州府訓導○嵇士仁○韓宗

昌○史乘字敬可○馮子潤字潤卿○王堯臣以上

人朱欽○王沂字仲文任陳留縣丞○馬相字公輔

○丁楫字濟川○譚義字子宜 劉鎮 李安 儲

善字叔良任桐鄉訓導 周綱以上未詳貫里 張拱比 颯



重修鎮江府志卷之二十五

士品志

恩封

皇朝

徐子厘以子銘贈監察御史○王仲和以子豫贈監  
察御史○裴謙以子俊封監察御史○張震以子恂  
贈刑部郎中○竇孚以子瓚贈太醫院院判○竇得  
以子珙贈兵科給事中○胡德原以子清封禮科都  
給事中○袁庸以子絜贈刑部郎中○余仲安以子  
懋贈都司斷事○費昇以子閻贈翰林院編修○達  
府志 卷二五 前一

顯以子毅贈戶部員外郎○趙銓以子祥贈戶部主  
事○錢斌以子宗嗣封太醫院院判○丁元吉以子  
璣封中書舍人○楊景以子一清贈光祿大夫柱國  
少保太子太保吏部尚書○楊福山以孫一清贈光  
祿大夫柱國少保太子太保吏部尚書○楊情以曾  
孫一清贈光祿大夫柱國少保太子太保吏部尚書  
○靳瑜以子貴贈光祿大夫柱國太子太保戶部尚  
書武英殿大學士○靳榮以孫貴贈光祿大夫柱國  
太子太保戶部尚書武英殿大學士○靳寶以曾孫  
貴贈光祿大夫柱國太子太保戶部尚書武英殿大



學士○王璉以子濟封監察御史○張英以子縉贈  
戶部員外郎○居福以子達贈戶部員外郎○曹綬  
以子倣贈監察御史○許顯以子完封監察御史○  
唐隆以子鵬封禮部主事○戴惠字弘仁以子仲綸  
封行人司行人○丁元貞字惟誠以子瓚封工部主  
事○吳鎮字廷安以子淮封江西道御史○俞桂以  
子燦贈奉直大夫易州知州○鄔榮字廷臣以子紳  
封戶部郎中○錢雲字時望以子亮封工科右給事  
中○茅堅字可久以子鑿封戶部郎中○嚴繼宗字  
汝誠以子寬封刑部主事○沈瑀以子晃贈大理寺

府志

卷二十五

前一

右評事○夏鸞字文和以子儒封戶部主事○曹沂  
字汝浴以子棟封鄱陽縣知縣○唐漢以子侃封戶  
部員外○呂宗羨以子高封兵部員外郎○陳憲以  
子金封福建長汀縣知縣○法譽以子暄封保定府  
通判○周元育以子柱封真定府贊皇縣知縣○徐  
綱以子得禎封福建汀州府同知○范曉字應黎以  
子崙贈太常寺卿○范祭字惟用以孫崙贈太常寺  
卿○范祚字廷子以曾孫崙贈貴州左布政使○陳  
傑以子文贈河南鄧州知州○阮元齡以子時昇贈

西萬安縣知縣○卜春光以子維新贈江西吉安



府知府○曹傲字汝學以子慎封提學副使進階中  
憲大夫○李熊字武子以子一陽封浙江衢州府西  
安縣知縣○劉燁以子際可贈戶部員外郎○茅治  
以子崇本贈江西吉安府推官○陳錦以子學贈廬  
龍衛經歷  
○**歐陽錡**以子幾贈  
姚州知州張坤以子洪典贈  
慶州知州右丹徒縣

皇朝

儲萬鈞以孫懋贈戶部右侍郎○儲友文以子懋贈  
戶部右侍郎○沈通以孫固贈戶部尚書○沈曉山  
以子固贈戶部尚書○沈悅以子愬贈光祿寺典簿  
○沈悅以子惠封明威將軍○陳廣以子以忠贈戶

府志 卷二十五

前二

部員外○朱鍾以子臣贈河間府通判○湯琳以子  
禮敬贈給事中○吉潤以子棠贈監察御史○睦仲  
德以子燁封戶科給事中○張翊以子珍贈工部主  
事○賀燦以子鎬贈兵馬○賀鎬以子邦泰封戶部  
主事○荆輅以子光裕封吏部考功郎中○荆樹以  
子文燁贈建安知縣○丁玘以子一中贈戶部員外  
郎○姜昕以孫寶贈南京禮部尚書○姜金以子寶  
先贈賡黃通政復贈南京禮部尚書○湯岡以子日  
昭封戶部主事後贈溫州知府○丁應宸以子鴻陽  
贈定海知縣



宋蔣郢以曾孫猷贈光祿大夫○蔣益以孫猷贈光祿大夫○蔣師錫以子猷贈光祿大夫

皇朝

虞仲仁以孫謙贈嘉議大夫大理寺卿○虞德華以子謙贈嘉議大夫大理寺卿○史文禮以子潛封承德郎戶部雲南清吏司主事○錢可權以子澍初贈徵仕郎戶科給事中加贈中憲大夫長沙府知府○孫謙以子昂封承德郎南京戶部清吏司主事○孫良以子勗贈應天衛經歷○段錦以子敏贈新城縣府志

卷二十五

前四

知縣○于盛以孫湛贈右副都御史○于鑑以子湛封兵部武選司主事贈右副都御史○王瀚以子梟封兵部武庫司主事○王材以子燁贈文林郎吉安府推官○于泗以子業贈御史○曹廣以子邦彥贈戶部司務○曹邦彥以子大章贈編脩○虞蟻以子舜卿封南京西城兵馬指揮○張楹以子祥為封戶部郎中隆慶中舉祀鄉賢○蔡傳以子近智贈署丞○王坊以子鍵封浙江金華府推官○王維熊以子堯封贈戶部主事○于未以子文熙贈戶部主事○于東以子仕廉封戶部主事○莊沐以子文龍贈南



京國子監助教

右金壇縣

門蔭

宋蕭思話南蘭陵人襲父源之爵封陽縣侯歷官左衛將軍南徐州大中正尚書僕射丹陽尹徐江等州刺史卒謚穆侯思話外戚令望早見任持凡歷州十二仗節監都督九馬愛才好士人多歸之子惠開襲封陽縣侯耿介峻異爲御史中丞百僚畏憚之惠明亦有時譽歷黃門郎御史中丞吳興太守惠基歷中書黃門郎兼侍中領驍騎將軍立身退素朝廷稱爲善府

志

卷二十五

乙

士○劉道產簡之子襲爵晉安縣五等侯元嘉三年累遷梁南秦二州刺史在州有惠化後爲雍州刺史領寧蠻校尉襄陽太守善於臨職在雍部政績尤著蠻夷前後不受化者皆順服百姓樂業卒官謚襄侯道產澤被西土及喪還諸蠻皆備縗經號哭追送至下沔口長子延孫累官尚書左僕射領護軍

唐左忠字思和曲阿人父恢字伯嚮累拜尚書左丞京師稱其清高遷會稽太守忠真觀中以父任爲定遠令凡遷七邑所至有異政遷吉州刺史○桓彦範字士則丹陽人弘文館學士法嗣之孫少府丞思敏之



子以門蔭授官狄仁傑見而詭之擢監察御史爲司  
刑少卿時張易之昌宗見太后寢疾恐禍及已引用  
黨援陰爲備許州人楊元嗣告昌宗嘗召術士李弘  
泰占相弘泰言昌宗有天子相御史中丞宋璟鞠之  
奏昌宗儻以弘泰爲妖妄何不執送有司雖云奏聞  
終是包藏禍心請收付獄窮治其罪彥範上疏言昌  
宗旣云奏訖則不當更與弘泰往還是則初無悔心  
所以奏者擬事發則云先已奏陳不發則俟時爲逆  
此而可舍誰爲可刑其爲左臺中丞薦陽嶠爲御史  
楊再思曰嶠不樂搏擊之任如何彥範曰爲官擇人

府志

卷三十五

二

豈必待其所欲神龍元年太后疾甚張柬之崔玄暉  
敬暉與彥範謀誅張易之等彥範以事白其母母曰  
忠孝不兩全先國後家可也柬之用彥範暉及右散  
騎侍郎李湛皆爲左右羽林將軍委以禁兵時太子  
於北門起居彥範暉謁見密陳其策太子許之柬之  
等帥左右羽林兵五百餘人至玄武門斬關而入太  
后在迎僊宮柬之等斬易之昌宗於廡下太后驚起  
問故對曰張易之昌宗謀反奉太子令誅之太后見  
太子曰乃汝邪小子旣誅可還東宮彥範進曰太子  
安得更歸昔天皇以愛子託陛下今年齒已長久居



東宮天意人心久思李氏願傳位太子以順天人之  
望太子卽位洛州長史薛季昶謂張柬之敬暉曰二  
凶雖除產祿猶在去草不去根終當復生二人曰大  
事已定彼猶机上肉耳朝邑尉劉幽求亦謂彥範敬  
暉曰武三思尚存公輩終無葬地若不蚤圖噬臍無  
及不從韋后干預朝政彥範上表以爲不可言甚切  
至後武三思爲上畫策封敬暉等五人爲王罷其政  
事彥範封爲扶陽王卒爲武三思所殺睿宗卽位追  
復官爵謚曰忠烈開元中詔配享中宗廟庭 按周

勃誅諸呂迎立文帝劉氏所以危而復安勃之安劉

府

志

卷三十五

三

不專在誅諸呂尤在迎立之得人也唐五王誅張易  
之昌宗不能誅武三思以絕禍本當時有識者固已  
言之惟迎立中宗一事則當原當時事勢在狄梁公  
本謀固止欲反正中宗而已若欲盡於大義以武氏  
絕唐社稷正其九罪而誅之可也武氏旣誅其子自  
不當立况中睿之憎庸乎所謂人心不忘李氏其言  
是也爲李氏計擇可立何必高宗之子恐南軒別立  
宗室之說爲是但宗室已爲武氏所殘不知堪立者  
爲誰其事未易言耳當武氏竊據神龍之時朝士并  
心南遷居上陽之日有號爲名士者感其私恩爲



之出涕蓋大義之不明也久矣五王能反正中宗而不能使不尊崇武氏既尊崇武氏欲其誅三思絕韋氏之再亂又知其不能也

宋刁衍字元賓丹陽人其先上蔡人父彥能仕南唐爲昭武軍節度使賜田京口因家焉衍用彥能蔭仕爲祕書郎集賢校理從李煜入宋授太常寺太祝出知桐廬縣上書諫淫刑遷大理寺丞獻文四十篇召試授殿中丞通判湖州上言五事歷知發光廬穎諸州輒有政績終兵部郎中有集二十卷子湛湜滑皆登進士第湛三司度支判官湜屯田員外滑太常博士府志卷二十五

四

諸孫彞總綬維紡繹約曾孫珪璠珣並仕于朝○吳瑛字德仁遵路子用父蔭補太廟齋郎遷虞部員外郎不待老而歸家居薄田僅給伏臘拮据宗朝多薦之者詔赴闕堅卧不起張耒銘其墓曰殆古所謂得道逍遙御風騎氣之人歟○俞康直字彥之父希言始自黟縣來居用從祖太尉獻卿恩補太廟齋郎主潮陽簿後通判陸州先世有田在錢塘族人擅其利康直不問會他族訟于官來歸康直以與其弟弟曰吾父兄不之有吾烏乎有之亦不受卒以與族人孫向朝請大夫祕閣脩撰向子長吉以父任補蘄州司



法直祕閣知盱眙軍○張縝字彥智金壇人以父子方蔭官至寶文閣直學士充江南東路兵馬鈐轄節制管軍馬金壇縣開國男食邑三百戶守揚州時金帥撻懶遣太乙孛革提兵南寇援兀朮軍進圍揚州朝廷恐縝力不能支許退保鎮江縝堅守不動後城潰及妻子皆死之○翟耆年字伯壽其先開封人居丹陽以父任入官好古文介褊不苟合自謂為吏必以顛罷放浪山谷間著書自娛宰相范宗尹欲召之蘇庠曰翟子清濁大明善惡太分此張惠恕之所以不能取容當世也○湯東輔以兄東野奏補將仕郎

府志 卷十五

五

從呂頤浩勤王改秩平江府管內安撫司書寫機宜文字又從張浚收州賊戚方進秩平江府僉判通判真州分差行在糧料院○王烜字晦叔其先衢州人曾祖介徙居丹徒烜以父植任歷監務監倉改宣議郎知盱眙軍天長縣議論英發襟度超豁人以此孔北海禰正平之流○王彥融字父弼樞密副使韶之玄孫後為金壇人父窠以林靈素譖死靖康初彥融時年十九徒步走京師上書訟冤召對命官紹興初授廬州錄事參軍以平湖湘群盜改官又以平武岡盜進秩知平江長洲縣歷官通判無為軍知郴州楚



州遷淮南轉運判官屬疾山間起知雅州卒子萬全  
字必勝一字通一以父彥融蔭授高郵尉終知辰州  
居官有廉聲子遇登紹興進士第通字文伯蔭調衢  
州江山主簿累官至常州守所至以公廉稱逮字浩  
翁以父恩授建康府椿積庫累遷大理丞右曹郎官  
出知寧國府家有產業盡分族人至飯不足當路諸  
公爲捐俸架屋萬全弟萬樞字贊元以父任爲崑山  
尉歷崇德丞改秩知來安縣通判建康府知興國軍  
終知吉州所至以治行著興國人畫像事之弟萬寶  
拙于生計諸皆仰給嫁其女如已女撫孤甥咸有成

府志 卷五十五

六

立子逢遜選遂逢舉進士遜字志叔以父任調宣  
城尉終和州通判選字無擇以弟遂澤任平江黃姚  
管押袋鹽改知嘉定○湯宋彥字時美邦彥弟以祖  
澤授湖州司戶歷浙江安撫司叅謀官改湖北天性  
友悌念兄司諫以使事得罪而卒旣已析居推已田  
以益之得任子恩卽以官其孫幼女未行輟其子裝  
授之次得任子以與長弟之子又次與季之子焉○  
范炎字黃中邢州唐山人徙居潤州以祖邦彥恩授  
新淦主簿德安司理改通直郎知晉陵縣治績上最  
真德秀帥湖南辟主管機宜文字年四十乞歸養母



父如山字南伯張棡帥荆南許江陵公安令再調辰  
州瀘溪子寯字仲容以愴歷嘉興司戶壽春司理改  
秩知餘杭縣

元陳尚節字介甫以父廕領湘潭稅務父鈞字公秉一  
字太和由樂清徙居金壇置官常州懼州二路治中

林州梁州二州知州自號靜佳通諸經尤長於易著  
原理原數二篇善詩文有集藏於家○阿思蘭也  
畏吾兒人以父廕補官皇慶中爲金壇縣吏魯花毒  
因家焉縣有拋荒田糧四十餘石民無從辦管建言  
免豁累罪久之除福建道宣慰副使簽都元帥府事

國朝費衍閔子以父廕任樂清知縣○儲天騏懋子以  
父廕任武康主簿○沈志固孫以祖廕入國子監○

楊紹芳一清子以父廕任尚寶司丞○楊元一清孫  
府志 卷二十五 七

以祖廕任禮部主客司主事○楊完一清孫以祖廕  
任中書舍人○楊宗植一清

榕一清曾孫以曾祖廕任楚府長史○楊宗貴子以父  
曾孫以曾祖廕任鶴慶軍民知府○新營貴子以父  
廕任尚寶司丞○新弘貴孫以祖廕歷官尚寶卿好  
古積名書畫號爲雅士○范如欽裔子以父廕入監

### 軍資

晉沈林子字敬士吳興人少有大度數歲隨父穆夫在  
京口王恭見而奇之後畫堂移居京口劉裕分宅給  
焉從裕克京城封漢壽縣伯終輔國將軍○劉牢之  
字道堅彭城人居京口高目驚人沉毅多計畫以勇  
應募謝玄用爲叅軍領精銳爲前鋒百戰百勝號北  
府兵敵人畏之破苻堅鷹揚將軍廣陵相平譙城



以功賜爵武岡縣男破王廞領晉陵太守討孫恩進  
前將軍討桓玄爲前鋒都督後爲征東將軍會稽太  
守卒喪歸塋丹徒子敬宣字萬壽襲父封官至左衛  
將軍散騎常侍使持節督北青州軍事青冀二州刺  
史屢有戰功爲其叅軍司馬道賜所害敬宣寬厚善  
待士多伎藝弓馬音律無事不善○檀道濟高平金  
鄉人世居京口少孤居喪備禮奉兄姊以和謹稱宋  
武帝建義道濟與兄韶祗等從平京城俱叅武帝建  
武軍事累遷太尉叅軍封作唐縣男義熙十二年武  
帝北伐道濟爲前鋒所至望風降服徑進洛陽議者

府志 卷三十五

八

謂所獲俘囚應悉戮以爲京觀道濟曰伐罪弔人正  
在今日皆釋而遣之於是中原感悅歸者甚衆長安  
平以爲瑯邪內史武帝受命以佐命功改封永修縣  
公位丹陽尹護軍將軍文帝卽位進封武威郡公位  
司空鎭尋陽以威名太盛被誅道濟見收引飲一斛  
脫幘投地曰乃壞汝萬里長城子植給事黃門侍郎  
粲司徒從事中郎隰太子舍人承伯祕書郎孫儒世  
祖時爲奉朝請○孟昶字彥建平昌人父馥移家京  
口昶矜嚴有志局少爲王恭所知豫義旗之勲遷丹  
陽尹尚書僕射子靈休官祕書監封臨汝公○孟懷



王平昌安丘人也世居京口宋武帝東伐孫恩以爲  
建武司馬豫義旗從平京口定建鄴以功封郟陽縣  
五等侯盧循逼都以戰功爲中書諮議叅軍循平封  
陽豐縣男位江州刺史弟龍符驍果有膽氣早爲武  
帝所知以軍功封平昌縣五等子從伐廣固以車騎  
將軍加龍驤將軍廣州太守乘勝追奔被圍見害追  
贈青州刺史封臨沅縣男○劉道規字道則裕少弟  
也劉氏世居京口裕代晉爲帝事備國史故不載道  
規侗儻有大志預謀誅桓玄時桓弘鎮廣陵以爲征  
虜中兵參軍武帝尅京城道規亦以其日與劉毅孟  
昶斬弘玄敗走道規與劉毅何無忌追破之無忌欲  
乘勝追玄直造江陵道規曰諸桓世居西楚群小皆  
爲竭力桓振勇冠三軍且可頓兵以計策糜之無忌  
不從果爲振敗乃退還尋陽繕舟甲復進遂平巴陵  
江陵之平道規推毅爲元功無忌爲次自居其末以  
起義勲封華容縣公平桓謙破徐道覆有功義熙八  
年薨謚烈武○向靖字奉仁河內山陽人居京口從  
劉裕平京城封山陽縣五等侯討盧循所在著績封  
安南縣男高祖受命封曲江縣侯位太子左衛率加  
散騎常侍卒立身儉約不營屋宇無園田商貨之業



時人稱之子植植柳邵柳始興太守南昌相邵歷宣  
城義興太守

宋蕭道度南蘭陵蘭陵人其先爲東海蘭陵人中朝亂  
淮陰令整字公齊過江居晉陵武進縣之東城里四  
世而有道成又一世而有衍禪代爲帝事在國史故  
不載道度道成長兄也與道成俱受學雷次宗父承  
之問二兒學業次宗答曰其兄外朗其弟內潤皆良  
璞也隨承之征伐仕至安定太守

齊蕭赤斧南蘭陵蘭陵人竟陵王及廣陵赤斧隸沈慶

之攻戰有功封永安亭侯出補晉陵丹陽錢唐諸令

府志

卷三五

十

明

遷正員郎治政爲百姓所安蕭道成輔政用爲輔國  
將軍遷黃門郎淮陵太守冠軍將軍寧蠻校尉持節  
督雍梁南北秦四州郢州之竟陵司州之隨郡軍事  
雍州刺史本官如故在州不營產利勤於奉公遷散  
騎常侍左衛將軍卒年五十六家無儲積子穎胄有  
父風起家秘書郎歷侍中中書令吏部尚書監八州  
軍事行荊州刺史穎達少好勇使氣爲西中郎外兵  
參軍官至左衛將軍世祖嘗謂穎胄曰卿文弟武宗  
室便不乏才○蕭惠基思話子高帝與之情好相得  
桂陽王休範妃惠基姊也帝謂之曰卿家桂陽遂復



作賊帝頊新亭壘以惠基爲軍副惠基弟惠朗親爲  
休範攻戰惠基在城內了不自疑後爲長兼侍中袁  
粲劉彥節起兵之夕帝以彥節是惠基妹夫惠基時  
直在省遣王敬則觀其指趣見惠基安靜不與彥節  
相知由是益加恩信永明中爲侍中領驍騎將軍遷  
太常加給事中初思話先於曲阿起宅有閒曠之致  
惠基常謂所親曰須婚嫁畢當歸老舊廬立身退素  
朝廷稱爲善士子洽

梁蕭濟字孝康蘭陵人少好學博通經史預平侯景之  
亂以功封松陽縣侯歷守數郡皆著聲績入陳爲五

府志

卷三五

十一

兵尚書爲揚州時高祖嘗取州曹事省覽謂人曰我  
本期蕭長史長於經傳不言精練繁劇乃至於此終  
祠部尚書加給事中

唐丁稔字德祥金壇人弱冠值僞吳楊行密討黃巢以  
勇應募戰多爲都押衙擒孫儒以功遷都知兵馬使  
行密性猜恐稔不自安以病得歸平生不殖貨不嗜  
酒不掩人善政生於亂世而得明哲保身之義始仕  
僞吳歷五代至宋乾德初年九十一終

元羅璧字仲玉丹徒人宋季從軍積官武翼大夫浙江  
路馬步軍副總管入元授管軍千戶平徽州劇賊就



領本州安撫司事遷管軍總管守金山創開海道運  
江南粟以實京師進管軍萬戶兼管海道運糧又創  
開遼陽海道進同知淮西道宣慰使司事以兩淮地  
曠民貧請以荒閒田給民隨力墾闢歲收糧數十萬  
斛官民利之遷海南海北道宣慰使都元帥尋改廣  
東入爲都水監改官正奉大夫卒謚桓敏子坤載以  
父任授廣東鹽課提舉知餘姚蘭谿

國朝鄭亨金壇人從 聖駕起義兵取和州敗陳友諒  
於鄱陽湖取張士誠於蘇州授陸安衛千戶陞大興  
左衛指揮取居庸關克漠州真定永平大寧濟南東

府

志

卷二十五

河東平靈壁等處所至有功洪武三十五年由靖難  
功加封武安侯鎮守大同號令嚴明士卒樂爲之用  
虜寇不敢犯邊

武科

宋蕭漢傑其先益都人居京口初以武舉登第後再以  
進士登瀛四年文天祥榜進士入元授溧陽路總管  
府同知遷建康卒有詩文號友山集

國朝嘉靖丁未科耿文光字觀卿鎮江衛指揮同知應  
襲初授中右所署所鎮撫後襲祖職加陞署都指揮  
僉事歷任儀真守備南京振武營坐營江西都司僉



書掌印南京錦衣衛掌印

嘉靖壬戌科丁堯臣字師舜鎮江衛左所百戶陞柘林把總以都指揮體統行事署指揮僉事

隆慶辛未科朱正色字子純鎮江衛中所百戶加陞署指揮僉事以都指揮體統行事署都指揮僉事歷任京圖狼山把總汀漳守備行都司僉書掌印廣東潮州雷庶叅將福建副總兵○陸邦彥字士美鎮江衛指揮同知應襲初授左所署所鎮撫後襲祖職加陞署都指揮僉事歷任大河昌國把總儀真守備南京大教場坐營劉家河遊擊將軍

府

志

卷二十五

十三

萬曆甲戌科郭惟完字全卿鎮江衛後所官舍初授本所署所鎮撫陞授署指揮僉事以都指揮體統行事南埠吳淞把總

萬曆癸未科李似枚字子靜丹徒縣民籍授鎮江衛署所鎮撫

萬曆丙戌科韓良貴字性之鎮江衛衛鎮撫加授署指揮僉事以都指揮體統行事歷任吳淞把總

萬曆己丑科錢世弼字德卿金壇縣民籍授鎮江衛前所鎮撫陞吳淞江把總調京口圖山把總陞儀真守備



萬曆壬辰科曹良策鎮江衛後所軍籍授本所署所  
鎮撫○曹廷訓鎮江衛後所軍籍授本所署所鎮撫  
以上會試

嘉靖丙午科耿文光樊景暘○巳酉科喬岳○壬子  
科戴紳楚書○乙卯科喬崧○辛酉科丁堯臣○甲  
子科魯邦陳所捷○隆慶丁卯科陳懋文汪尚備○  
庚午科陸邦彥朱正色宋楠○萬曆癸酉科郭維完  
○丙子科葉維翰程萬里林一元吳士俊李實○巳  
卯科曹良策劉從義○壬午科韓良貴田有年吳熿  
李似枚喬天植○乙酉科耿文燦孔揚吳一麟○戊  
府志 卷二十五 十四  
子科吳毓秀喬天衢殷曰璉錢世弼○辛卯科曹廷  
訓孫世隆范叔度唐文純陸國璽○甲午科王成身  
夏士昌賀承平

賞選

宋徐耕晉陵延陵人元嘉二十一年大旱人飢耕詣縣  
陳辭以米千斛助官賑貸縣爲言上當時議以耕比  
漢卜式詔書褒美酬以縣令

國朝援例監生○曹文顯任府經歷○貢迪吉○王海

○萬秉任平樂府通判○袁賢任東安王府教授○

朱振任衡陽縣知縣○杜昂任漳州府通判○錢可



勤任台州府經歷○錢迥任建昌府經歷○陸梓任  
鴻臚寺丞○許輔○嚴勝宗任都司斷事○蕭鵬○  
王相○王永泰○黃繼學○程道○茅鑑○周淮○  
孫相○費忱任漳州衛經歷○徐縉見鄉貢○施宗  
胤字汝繼有孝行能詩任布政司理問○潘沂字宗  
魯有文學以孝友見稱任崖州吏目卒官○劉燦任  
萬年縣丞○尤時信○錢遜任連州同知○丁同任  
嘉善縣主簿○張模任布政司理問○嚴沐○錢巡  
○曹栢○曹相○朱璋任上蔡縣主簿○袁表忠○  
茅洵○劉蒸任新建縣丞○丁可○魏燧○沈恒任  
府志 卷三五 十五

汝寧府經歷○袁思忠任東平州同知○錢逸任鴻  
臚寺序班○趙雱○李鵠任莒州同知○徐閻○劉  
行可任江西都司斷事○劉際可見進士○尤同任  
蘭溪縣主簿○曹忠任長興縣丞○曹恕任武定州  
同知○黃繼善○何周○殷琅○曹瀚○趙鵠○嚴  
忻○陳琇○費街○趙俸任杭州府經歷○李松任  
長興縣丞○王交○王應元任縣主簿○趙光洵任  
臨川縣主簿○陳春生任雲南府經歷○錢應詔任  
武義縣主簿○趙選任黃岡縣主簿○趙來儀任延  
平府知事○曹建德○張杲任邵武府經歷○呂克



念任遂安縣丞○丁禹臣任同安縣丞○呂克家  
鄉貢○莊有威任崇安縣丞○袁尚忠任墊江縣主簿○張術○陳紹文任會稽縣丞○沈棠任遂安縣丞○林應詔任零陵縣丞○夏禹卿任麗水縣主簿○夏誥卿任錢塘縣主簿○何采○林應乾任岳池縣主簿○錢適任絳州吏目○陳大烈任西安府經歷○呂準○王廟○杜杲○杜諒○王廡○王音○李樹敏○周仁○孫珙○何罔○臧瑛○張采○凌允中○許執中○張一元○王合璧○戴綬○余目新○凌鳳儀○管應任布政司經歷○王應任按察府志

卷三五

七

司經歷○管愈○劉汝章字思成任序班○錢同倫○管緒○李勳任慶陽府照磨○何照字明卿○林應節○錢應昌字翊之○李培○王士驥○繆從先○楊文炳○靳嗣曾字相如○王希賢任布政司經歷○徐大用見鄉貢○談自省見鄉貢○靳嗣誠字慎卿○楊文煥○劉汝立○靳觀明字伯貞○劉汝弼字思偕○沈榮○陳炳○陳文耀○姜尚綱○張素蘊○張日新○康時慶○朱天寵○卜維翰○陳永年字從訓○曹良翰○曹良佐○曹良賓○徐廷儀○徐應麟○徐嘉會○王希尹○王所任○卜其彥○李



春先○王苑○趙璧○吳建封○張日進○姜尚志

已上丹徒人

傅瑤任蘄水縣主簿○胡龍任寶慶王府奉

祠○許兆任獲嘉縣丞○潘澍任開化縣丞○葛巒

任天台主簿○蔣偉任嘉善縣丞○孫育任中書○

湯佐任光州判官○王鸞任西安縣丞○賀鏊○孫

沐字志新同舍生鄧廷相者病卒沐爲之殯歸其孤

於奉新歲賙恤人之高其義○孫橋○孫相任奉議州

判官○賀鏊○丁璧任大同衛經歷○王統任歸善

縣丞○李鳳任九江府照磨○葛土任武義縣丞○

孫楨字仲牆篤學有守多材藝未仕卒○孫校○賀

府志 卷三五

十七

鎬任中城兵馬○周仁○顏守禮任台州府知事○

畦社○朱民表任京衛經歷○束爵見鄉貢○湯用

任福寧州判官○湯岡任延平府經歷○賀鑄任陽

穀縣主簿○姜巖○葛臺○荆文炳○孫守成任廣

濟縣丞○吳滋任費縣丞○孫守祉任縣丞○王鳳

翔任閩縣主簿○孫守貴○荆商○葛在任武義縣

主簿○王士申任連城縣丞○王用賓字光國任忻

州判官篤學清修縣大夫常禮世共廬○朱齊○湯日

宣○王士奇○馬材○葛基任沙縣主簿○盛有光

任都昌縣主簿○張學箕任光沙縣主簿○潘乾○



葛應龍任歸化縣主簿○孫守道○朱廷侯任慶陽  
衛經歷○王鍾○馮時達○馮時遇任鄭州判官○  
陸韜任彰德府經歷○荆文英○荆文煥○王應京  
○丁堯寶任金谿縣主簿○賀邦靖○束槩任鴻臚  
寺序班陞杞縣丞○賀邦清○賀邦謨任同州同知  
○荆勉學○張學山任湖廣鄖陽行都司斷事○姜  
士麟○束槩○賀邦治○賀邦祥任府經歷○賀學  
詩○賀學禮見鄉貢○賀學易見鄉貢○湯日升○  
丁堯賓○張學易任光祿寺監事○張一誠○張啓  
賢○張學奎○丁堯心○賀萃亨○周良楨○潘嘉  
府志 卷五十五 六

言授衛經歷○丁應元○荆光祚任鴻臚寺序班陞  
漳州府照磨○姜士交○姜士蔭○賀承忠○荆光  
祉任山東都司經歷○葛懷仁任雲南都司經歷○  
賀本立○賀本固○荆勉成○荆嘉封任萬全都司  
都事○賀學文任光祿寺署丞○賀敬承○丁鴻仁  
○邵官○馬可胤○賀學古○姜士佩○張啓明○  
姜宿○張學裘○賀學仁○賀學本○荆本立○馬  
可衡○陸熙載○荆懋封○馮有聞○馮有見○荆  
祁封○馬可御○陳憲授都司都事○賀彥登○賀  
本昌○荆邁泰巴上丹王瀚任檢校○高嶽○高巖



任湖州府通判○王杲任江西都司都事○王東任  
鴻臚寺序班陞江山縣丞○徐槩任經歷○虞舜卿  
任通判○虞蒞任淮府紀善卒官○王槩○王樂○  
馮光前任布政司理問○江海○虞藻遙授都司經  
歷○虞舜臣○虞舜賓○虞謨○虞教○馮光宣○  
馮光國任主簿○王瀾任潞江府經歷卒官○蔣材  
○尹煥○孔聞禮○馮庵○段萱任府檢校○尹燁  
○高籌任吉安府經歷○虞應龍任府經歷○尹祺  
任縣丞○馮允濟任主簿○周洽任縣丞○尹三聘  
任主簿○徐湛任縣丞○范楷字子正親喪三年不  
府志 卷三五 九

入內室未仕卒○馮允殖任都司斷事○韓第○干  
凌遙授指揮僉事○干瀆任縣丞○虞岳○高宙○  
王鼎任仁和縣主簿○艾尚古任南康縣丞○王黥  
○王熙任縣主簿○王傑字申甫臬子有文學未仕  
卒○史鍾慶見鄉貢○干未見鄉貢○曹大章見鄉  
貢○鄧楨字良甫植弟○張祥龍○張子敬○史鍾  
愛○史鍾友○王薦○段藥○王煉○段綦○馮振  
○干槩任鴻臚寺署丞○祁勵任縣主簿○王燧○  
虞應元○高怡任將樂縣丞○王杰任兵馬○高符  
任建昌府照磨○袁潤任縣丞○尹東魯○高悖○



馮汝質○馮汝達任玉山縣主簿○蔡近智任光祿

寺署丞○蔡近仁任汝州判官○張祥晃任攸縣丞

○王維羅虞一麟○王炬授成都府經歷○王教○尹東山

○袁應魁○于明照見鄉貢○虞一鶚○王思道遙

授布政司經歷○王思孝○虞立道○虞一道○鄧

魯○曹塾遙授鴻臚寺序班○于集任定海縣主簿

○王堅遙授布政司經歷○于光烈遙授光祿寺署

丞○于文熙見進士○蔣思誠○王生○張祥玉○

鄧衡○鄧杰○虞義洪授光祿寺署丞○呂應麟任

蒲圻縣主簿○王三重任辰州府經歷○于斗聯○

府志 卷二五

于秦衡○史華國○于秉○李成芳○王址○馮應

春○馮應徵○蔡秉燧任石阡府經歷○薛樹德○

鄧之城○馮應時○薛恩沾○于贊燕○于樹勳○

楊方盛○于士鰲○馮之城○王秉銓○于廷羔○

曹祖鶴○虞之契○虞德元○尹相明○蔡秉孝以上

金壇人

援例儒士○賀淳任鴻臚寺序班○姜士哀任鴻臚

寺序班已上丹陽人于潛任東平州判官○王堦任府檢

校○蔡近勇任府檢校已上金壇人

吏道



吳殷禮字德嗣吳郡雲陽人弱不好弄潛識過人少爲郡吏守吳縣丞吳王權召除郎中與張溫同使蜀諸葛亮甚稱歎之曰殷德嗣秀才今之僑助也子基官至無難督以才學知名基子巨字元大有才麗初爲吳偏將軍統家部曲城夏口吳平爲蒼梧太守祐字慶元吳郡太守

元郭昇字天錫景星子氣岸雄豪累舉不第歷鄱江書院山長調吳江州儒學教授未上江浙行省辟充掾史工書畫嘗學于趙孟頫妙得其法所著詩文若干卷多散逸子啓啓子文可以人材仕國朝○辛仲

府志

卷五

五

實字仲和彰德人居丹徒至元中以行省掾從平江南有功累遷至行戶部尚書兩淮都轉運鹽使佩虎符歷太平路嘉興路總管江西等處榷茶都轉運使○俞庸字時中德鄰子初爲明道書院山長大德中以地震陳格天心召和氣九策萬餘言答刺罕丞相嘉之試補戶部令史遷尚服院掾史除從仕郎吏部考功主事再遷尚服院都事性儻姿貌魁梧善論議達時務有復辨事若干卷藏于家○陳子方丹徒人與同邑閔仲達幼同研席同籍杭郡吏循次錄叙則子方在前仲達在後仲達以計先之子方用薦僉



憲浙西仲達方以日月陞掾憲府聞子方來慚懼不出子方招致慰諭至再仲達感激從事相好如初時人服子方雅量○王昌字榮之益都人初爲鎮江路總管府提控案牘因莫居焉辟通政掾史授通州倉監支納歷池州建德杭州餘杭縣尹時經理田土前官增賦十之二昌到任力辨于行省仍復其故民立石頌德遷徽州路推官再遷承直郎婺州路東陽縣尹卒官○堵簡字無傲金壇人以學行辟監修國史掾以便養調江浙行省張士誠陷松江平章慶童擊之署簡爲檢校官部從以行爲賊所執簡不屈遇害

府志

卷五

三

有葉萬戶者爲輿尸歸塋

國朝吳璫字良王金壇人由郡掾任樂清縣主簿有惠政九載任滿民乞留之詔許復任又九載民復留益切在任二十四年以老乞歸○睦潛字叔度丹陽人能詩少爲府吏其奴竊受人布二匹潛覺馘其耳令持布還之蹇忠定公汰天下冗員至潤潛以詩謁甚見賞敬補潛宗人府提控案牘擢潛府審理有蛩吟集藏於家○馮厚金壇人任贊皇縣典史以吏治居晁署縣事士民稱之○孫有鄰字德章丹陽人任廣州千戶所吏目爲小官不自汗賤家居亢直自持爲



後輩所畏敬○張鏊字宗濟丹徒人初任福寧衛知  
事補武昌衛陞通州州判所至以廉慎稱引年歸灌  
園自樂不入城市里人高之

府志

卷二十五

三三



